

四庫全書

史部

欽定四庫全書

舊五代史卷一百十一

宋門下侍郎參知政事監修國史薛居正等撰

周書第二

太祖紀二

廣順元年春二月癸巳朔以樞密副使尚書戶部侍郎
范質為兵部侍郎依前充職以陳州刺史判三司李穀
為戶部侍郎判三司以右金吾大將軍充街使翟光鄴

為左千牛衛上將軍充宣徽北院使以宣徽北院使表
義為左武衛上將軍充宣徽南院使以左右金吾大將
軍充街使符彥琳為右監門上將軍丁酉以皇子天雄
軍牙內都指揮使檢校右僕射貴州刺史榮起復為澶
州節度使檢校太保以右金吾上將軍薛可言為右龍
武統軍以左神武統軍安審約為左羽林統軍以左驍
衛上將軍趙贊為右羽林統軍以太子太師致仕宋彥
筠為左衛上將軍詔移生吐渾族帳于潞州長子縣江

猪嶺已亥左武衛上將軍劉遂凝為左神武統軍以左
衛上將軍焦繼勳為右神武統軍以左領軍衛上將軍
史佺為右衛上將軍庚子故吳國夫人張氏追贈貴妃
故皇第三女追封樂安公主故第二子青哥贈太保賜
名侗第三子意哥贈司空賜名信故長婦劉氏追封彭
城郡夫人皇侄三人守筠贈左領軍將軍改名愿奉起
贈左監門將軍定哥贈左千牛衛將軍賜名遜故皇孫
三人宜哥贈左驍衛大將軍賜名誼喜哥贈武衛大將

軍賜名誠三哥贈左領衛大將軍賜名誠辛丑西州回
鶻遣使貢方物前開封尹魯國公侯益進封楚國公前
西京晉守莒國公李從敏進封秦國公前西京晉守王
守恩進封莒國公癸卯以前中書侍郎兼戶部尚書平
章事李濤為太子賓客詔宣徽南院使袁義權知開封
府事以太子太保和凝為太子太傅丙午晉州王晏秦
河東劉崇遣偽招討使劉鈞副招討使白截海率步騎
萬餘人來攻州城以今月五日五道齊攻率州兵拒之

賊軍傷死甚衆

宋史王晏傳劉崇侵晉州晏閉關不出設伏城上并人以為怯競攀堞而登晏

麾伏兵擊之顛死者甚衆遂焚橋遁晏遣子漢倫追比數十里斬首百餘級內出寶玉器及

金銀結縷寶裝牀几飲食之具數十碎之于殿庭帝謂

侍臣曰凡為帝王安用此仍詔所司凡珍華悅目之物

不得入宮先是回鶻間歲入貢禁民不得與蕃人市場

寶貨至是一聽私便交易官不禁詰丁未左千牛將軍

朱憲使契丹迴契丹主烏裕遣使郭濟獻良馬一驄賀

登極戊申詔曰朕祗膺景命奄有中區每思順物之情

從衆之欲將使照臨之下多寄食僦舍之徒歲月之間
動懷土念家之思宜循大體用革前規應諸道州府有
前資朝官居住如未赴京不得發遣其行軍副使已下
幕職州縣官等得替求官自有月限年月未滿一聽外
居如非時詔徵不在此限已酉有司議立四親廟從之
辛亥以太子少傅楊凝式為太子少師以太常卿張昭
為戶部尚書以尚書左丞王易為禮部尚書以兵部侍
郎邊蔚為太常卿以翰林學士中書舍人魚崇諒為工

部侍郎充職以戶部侍郎韋勲為兵部侍郎以刑部侍郎邊歸讜為戶部侍郎以禮部侍郎司徒詡為刑部侍郎以秘書監趙上交為禮部侍郎以兵部尚書王仁裕為太子少保以翰林學士禮部尚書張沆為刑部尚書充職以尚書右丞田敏為左丞以吏部侍郎段希堯為工部尚書以太子詹事馬肩孫為太子賓客前鄜州節度使劉重進前滑州節度使宋延渥並加食邑吐渾府留後王全德加檢校太保充憲州刺史隰州刺史許遷

奏河東賊軍劉筠自晉州引兵來攻州城尋以州兵拒之賊軍傷死者五百人信宿遁去丁巳以尚書左丞田敏充契丹國信使迴鶻遣使貢方物己未天德軍節度使虢國公郭勲加同平章事以前宗卿劉皞為衛尉卿辛酉以衛尉卿邊光範為秘書監以前吏部侍郎李詳為吏部侍郎以前戶部侍郎顏衎為尚書右丞三月壬戌朔前西京留守李從敏卒戊辰以前左武衛上將軍李懷忠為太子太傅致仕以前邢州節度使安審暉為

太子太師致仕辛未幸南莊壬申詔曰諸州府先差散從親事官等前朝創置蓋出權宜苟便一時本非舊貫近者遍詢羣議兼採封章且言前件抽差于理不甚允當一則礙州縣之色役一則妨春夏之耕耘貧乏者困于供須豪富者幸于影庇既為煩擾須至改更況當東作之時宜罷不急之務其諸州所差散從親事官等並宜放散詔下公私便之徐州行營都部署王彥超馳奏收復徐州城內逆首楊溫及親近徒黨並處斬其餘無

名目人及本城軍都將校職掌吏民等雖被脅從本非同惡並釋放兼知自前楊溫招喚草賊同力守把朕以村墅小民偶被扇誘念其庸賤特與含容其招入城草賊並放歸農仍倍加安撫湘陰公夫人并骨肉在彼仰差人安撫守護勿令驚恐以右散騎常侍張煦給事中王延鵠並為左散騎常侍以前大名府少尹李瓊為將作監以前彰武軍節度使周密為太子太師致仕以衛尉卿劉暉充漢隱帝山陵都部署丙子以太子少保致

仕王延為太子少傅以戶部尚書致仕盧損左驍衛上將軍致仕李肅並為太子少保兵部尚書致仕韓昭肩為尚書右僕射太子太師致仕盧文紀為司空自延而下並依前致仕故散騎常侍裴羽贈戶部尚書故太子賓客蕭愿贈禮部尚書以司農卿致仕薛仁謙為鴻臚卿以將作監致仕烏昭為太府卿以太常少卿致仕王禧為少府監以秘書少監致仕段顯為將作監自仁謙而下並依前致仕詔沿淮州縣軍鎮今後自守疆土不

得縱一人一騎擅入淮南地分已邠潞州奏涉縣所擒
河東將士二百餘人部送赴闕詔給衫袴巾履放歸本
土甲申鎮州武行德移鎮許州何福進移鎮鎮州丙戌
以襄州節度副使郭令圖為宗正卿詔曰故蘇逢吉劉
銖頃在漢朝與朕同事朕自平禍亂不念仇讐尋示優
弘與全家屬尚以幼稚無託衣食是艱將行矜卹之恩
俾獲生存之路報怨以德非我負人賜逢吉骨肉洛京
莊宅各一賜劉銖骨肉陝州莊宅各一己丑幸南莊庚

寅唐故邠國公李從益追封許王唐明宗淑妃王氏追
贈賢妃辛卯詔諸道節度副使行軍司馬兩京少尹
守判官並許差定當直人力不得過十五人諸府少尹
書記支使防禦團練副使不得過十人節度推官防禦
團練軍事判官不得過七人逐處係帳收管此外如敢
額外影占人戶其本官當行朝典先是漢隱帝時有人
上言州府從事令錄皆請料錢自合雇人驅使不合差
遣百姓丁戶秉政者然之乃下詔州府從事令錄本處

先差職役並放歸農自是官吏有獨行趨府縣者帝頗
知之故有是命夏四月壬辰朔詔沿淮州縣許淮南人
就淮北糴易餼糧時淮南饑故也甲午以夫人董氏為
德妃仍令所司備禮冊命己亥改侍衛馬步軍軍額馬
軍舊稱護聖今改為龍捷步軍舊稱奉國今改為虎捷
壬寅詔唐莊宗明宗晉高祖三處陵寢各有守陵宮人
並放逐便如願在陵所者依舊供給甲辰相州張彥成
移鎮鄧州折從阮移鎮滑州李筠移鎮相州丙午亳州

防禦使王重胤卒戊申辛南莊庚戌皇第四女封壽安
公主辛亥故許州節度使劉信追封蔡王丙辰詔曰牧
守之任委遇非輕分憂之務既同制祿之數宜等自前
有富庶之郡請給則優或邊遠之州俸料素薄以至遷
除之際擬議亦難既論資叙之高低又患祿秩之升降
所宜分多益寡均利同恩冀無黨無偏以勸勲効今定
諸防禦使料錢二百貫祿粟一百石食鹽五十石馬十匹
草粟元隨三十人衣糧團練使一百五十貫祿粟七十

石鹽五石馬十匹元隨三十人刺史一百貫祿粟五十石鹽五石馬五匹元隨二十人云丁巳尚書左丞田敏使契丹迴契丹主烏裕遣使努瑚報命并獻碧玉金塗銀褱鞍勒各一副弓矢器伏貂裘等土產馬三十匹土產漢馬十匹庚申帝為故貴妃張氏舉哀于舊宮輟視朝三日辛酉司空致仕盧文紀卒五月壬戌朔帝不視朝以漢隱帝梓宮在殯故也戊寅皇子澶州節度使榮起復依前澶州節度使以故貴妃張氏去歲薨至是發

哀故也已巳遣左金吾衛將軍姚漢英前右神武將軍
華光裔使于契丹辛未太常卿邊蔚上追尊四廟謚議
是夜有大星如五升器流于東北有聲如雷丙子太常
卿邊蔚上太廟四室奠獻舞名丁丑詔京兆鳳翔府應
諸色犯事人第宅莊園店碓已經籍沒者並給付罪人
骨肉壬午幸南莊甲申考城縣巡檢供奉官馬彥勅棄
市坐匿赦書殺獄囚也丙戌宰臣馮道為四廟冊禮使
六月辛卯朔不視朝以漢隱帝梓宮在殯故也甲午百

察上表請以七月二十八日皇帝降聖日為永壽節從之邢州大雨霖已亥太常少卿劉悅上漢少帝諡曰隱皇帝陵曰潁陵從之辛亥以樞密使王峻為尚書左僕射兼門下侍郎同平章事監修國史充樞密使以樞密副使尚書兵部侍郎范質為中書侍郎同平章事充集賢殿大學士以戶部侍郎判三司李穀為中書侍郎同平章事判三司司徒兼侍中監修國史實貞固司空兼中書侍郎同平章事集賢殿大學士蘇禹珪並罷相守

本官壬子辛酉莊癸丑詔宰臣范質參知樞密院事鄴
都洺滄貝等州大雨霖丙辰西京奏新授宗正卿郭令
圖卒丁巳以尚書左承顏衍為兵部侍郎充端明殿學
士以宣徽北院使翟光鄴兼樞密副使秋七月辛酉朔
帝被袞冕御崇元殿授太廟四室寶冊于中書令馮道
等赴西京行禮癸亥尚書左丞田敏兼判國子監事戊
辰以御史中丞于德辰為尚書右丞以秘書監邊光範
為太子賓客以戶部尚書張昭為太子賓客以其子秉

為陽翟簿犯法抵罪詔詣閣待罪詔釋之乃左授此官
壬申史官賈緯等以所撰晉高祖實錄三十卷少帝實
錄二十卷上之內子幸宰臣王峻第己丑鎮州奏破河
東賊軍于平山縣西斬首五百級是日太常卿邊蔚奏
議改郊廟舞名事具樂志八月辛卯漢隱帝梓宮發引
帝詣太平宮臨奠詔羣臣出祖于四郊是歲幽州饑流
人散入滄州界詔流人至者口給斛粟仍給無主土田
令取便種蒔放免差稅癸巳虎入西京修行寺傷人市

民殺之乙未幸班荆館壬寅契丹遣幽州牙將曹繼筠來
歸故晉中書令趙瑩之喪詔贈太傅仍賜其子絹五百
匹以備喪事歸葬于華陰故里乙巳幸西莊士子晉州
王晏移鎮徐州滄州王景移鎮河中定州孫方簡移鎮
華州永興郭從義移鎮許州貝州王繼弘移鎮河陽李
暉移鎮滄州以許州節度使武行德為西京留守滑州
折從院移鎮陝州河中扈彥珂移鎮滑州陝州李洪信
移鎮永興華州王饒移鎮貝州徐州王彥超移鎮晉州

丙辰尚食李氏等宮官八人並封縣君司記劉氏等六人並封郡夫人尚宮皇甫氏等三人並封國夫人唐制有內官宮官各有司存更不加郡國之號近代加之非舊典也以易州刺史孫行友為定州留後戊午故夫人柴氏追立為皇后仍令所司定謚備禮冊命九月庚申朔帝詣太平宮起居漢太后辛酉故夫人楊氏追贈淑妃仍令所司擇日備禮冊命故皇第五女追封永寧公主癸亥定州奏契丹永康王烏裕為部下所殺以前耀

州團練使武廷翰太子少保致仕丙子諸道兵馬都元帥兩浙節度使檢校太師尚書令中書令吳越國王錢俶可天下兵馬都元帥丁丑中書舍人劉濤責授少府少監分司丙京坐遣男頊代草制詞也監察御史劉頊責授復州司戶坐代父草制也中書舍人楊昭儉解官放逐私便以多在假告不親其職也

舊五代史卷一百十一

舊五代史卷一百十一攷證

周太祖紀二相州張彥成 張彥成原本作彥威今據

列傳改正

丙子幸宰臣王峻第 案丙子歐陽史作戊寅

癸亥定州奏契丹永康王鄂約為部下所殺 案遼史

世宗以九月癸亥遇弒不應定州即能于癸亥入奏

疑原文有舛誤

烏裕舊作兀欲今改 郭濟舊作骨支今改 努瑚舊

作耨姑今改

舊五代史卷一百十一攷證

欽定四庫全書

舊五代史卷一百十二

宋門下侍郎參知政事監修國史薛居正等撰

周書第三

太祖紀三

廣順元年冬十月己丑朔宰臣王峻獻唐張蘊古大寶
歲謝偃惟皇誠德賦二圖詔報曰朕生長軍戎勤勞南
北雖用心于鈐匱且無暇于詩書世務時艱粗經閱歷

前言往行未甚討尋卿有佐命立國之勲居代天調鼎之任恒慮眇德未及古人于是采掇箴規弼諧寡昧披文閱理懌意怡神究為君治國之源審修已御人之要帝王之道盡在于茲辭翰俱高珠寶何貴再三省覽深用愧嘉其所進圖已令于行坐處張懸所冀出入看讀用為鑒戒士辰潞州秦巡檢使陳思讓監軍向訓破河東賊軍于虎亭癸巳以刑部侍郎司徒詡為戶部侍郎以左散騎常侍張煦為刑部侍郎以給事中呂咸休為

左散騎常侍甲午絳州防禦使孫漢英卒辛丑荆南奏
湖南亂大將軍陸孟俊執偽節度使馬希萼遷于衡州
立希萼弟希宗為留後將吏二千餘人遇害者半牙署
庫藏焚燒殆盡乙巳詔併吏部三銓為一銓委本司長
官通判丙午晉州巡檢王萬敢奏河東劉崇入寇營于
州北辛亥潞州奏河東賊軍寇境乙卯荆南奏淮南遣
鄂州節度使劉仁贍以戰船二百艘于今月二十五日
入岳州丙辰詔樞密使王峻率兵援晉州丁巳以左衛

將軍申師厚為河西軍節度使檢校太保師厚素與王
峻善及峻貴師厚羈旅無依日于峻馬前望塵而拜會
西涼請帥帝令擇之無欲去者峻乃以師厚奏之師厚
亦欣然求往尋自前鎮將授左衛將軍檢校工部尚書
翼日乃有涼州之命賜旌節駝馬繒帛以遣之十一月
己未朔荆南奏淮南大將邊鎬率兵三萬自袁州路趨
潭州馬希崇遣從事送牌印納器仗鎬入城稱武安軍
節度使馬氏諸族及將吏千餘人皆徙于金陵甲子夜

東南白虹亘天以新晉州節度使王彥超為晉絳行營
馬軍都虞候乙丑命王峻出征晉州帝幸西莊以餞之
甲戌日南至羣臣拜表稱賀甲申葬故貴妃張氏丁亥
詔唐朝五廟舊在至德宮安置應屬徽陵莊田園舍宜
令新除右監門將軍李重玉為主其緣陵緣廟法物除
合留外所有金銀器物充遷葬故淑妃王氏及許王從
益外其餘竝給與重玉及尼惠英惠燈惠能惠嚴等令
重玉以時祀陵廟務在豐潔重玉故皇城使李從瓌之

子明宗之孫惠英等亦明宗親屬也故帝授重王官秩
令主先祀卹王者之後也十二月戊子朔詔以劉崇入
寇取當月三日暫幸西京庚寅詔巡幸宜停時王峻駐
軍陝府聞帝西巡遣使馳奏不勞車駕順動帝乃止乙
未幸西莊兗州慕容彥超上言乞朝覲詔允之尋稱部
內草寇起不敢離鎮戊申鄆州奏慕容彥超據城反已
酉王峻奏劉崇逃遁王師已入晉州

宋史陳思讓傳王峻援晉州以思讓

與康延昭分為左右廂排陣使令率軍自烏嶺路至絳州與大軍合崇燒營遁去思讓又與樂元福襲破之

廣順二年春正月戊午朔不受朝賀以宿兵在外故也
庚申王峻奏起近鎮丁夫二萬城晉州士戍修東京羅
城凡役丁夫五萬五千兩旬而罷甲子以侍衛步軍都
指揮使曹英為兗州行營都部署以齊州防禦使史延
韜為副都署以皇城使向訓為兵馬都監陳州防禦使
藥元福為馬步都虞候率兵討慕容彥超陳平集慕容
彥超盜據兗
海周祖命曹英為帥向訓副之參用藥元福以兵從謂
元福曰已勅英訓勿以軍禮見汝及元福至英訓皆父
事諸軍入兗州界不得下路停止村舍犯者以軍法從
馬

事丙寅徐州巡檢供給官張令彬奏破淮賊于沭陽斬首千餘級擒賊將燕敬權時慕容彥超求援于淮南淮南偽主李景發兵援之師于下邳聞官軍至退趨沭陽遂破之庚午高麗權知國事王昭遣使貢方物壬申鎮州何福進差人部送先擒獲到河東賊軍二百餘人至闕下詔給巾履衫袴以釋之戊寅徐州部送沭陽所獲賊將燕敬權等四人至闕下詔賜衣人金帛放歸本土敬權等感泣謝罪帝召見謂之曰夫惡虎邪獎忠順天

下一也我之賊臣撓亂國法嬰城作逆殃及生靈不意
吳人助茲凶惡非良算也爾當歸言之于爾君初漢末
遣三司軍將路昌祚于湖南市茶屬淮南將邊鵠陷長
沙昌祚被賊送金陵及敬權自大朝歸具以帝言告于
李景景乃召昌祚延坐從容久之且稱美大朝皇帝聖
德廣被恩沾鄰土深有依附國家之意及罷遣偽宰相
宋齊丘宴昌祚于別館又命訪昌祚在湖南遭變之時
亡失綱運之數命依數償之給茗荈萬八千斤遣水運

至江夏仍厚給行裝遣之歸闕二月庚寅府州防禦使折德辰奏河東賊軍寇境率州兵破之斬首二千級辛卯太白經天癸巳以權知高麗國事王昭為高麗國王庚子府州防禦使折德辰奏收河東界奇嵐軍癸卯詔先獲河東鄉軍一百餘人各給錢鞋放歸鄉里壬子太子太師致仕安審暉卒三月庚申幸南莊令從臣習射戊辰以樞密院直學士左諫議大夫王溥為中書舍人充翰林學士以內客省使恩州團練使鄭仁誨為樞密

副使詔宣徽北院使翟光鄴權知永興軍府事甲戌回
鶻遣使貢方物庚辰詔西京莊宅司內侍省宮苑司內
園等四司所管諸巡係稅戶二千五百並還府縣其廣
德昇平二宮並停廢應行從諸莊園林亭殿房舍什物
課利宜令逐司依舊收管夏四月丙戌朔日有食之帝
避正殿百官守司丁亥詔停蔡州鄉軍戊子以京師旱
分命羣臣禱雨癸巳制削奪慕容彥超在身官爵甲午
高麗國冊使衛尉卿劉皞卒乙卯詔取來月五日車駕

赴兗州城下慰勞將士以樞密副使鄭仁誨為右衛大將軍依前充職兼權大內都點檢以中書侍郎平章事判三司李穀為權東京留守兼判開封府事五月丙辰朔帝御崇元殿受朝仗衛如儀庚申車駕發京師戊辰至兗州城下乙亥收復兗州斬慕容彥超夷其族詔端明殿學士顏衍權知兗州軍州事壬午曲赦兗州管內罪人取五月二十七日已前所犯罪大辟已下咸赦除之慕容彥超徒黨有逃避潛竄者及城內將吏等竝放

罪自慕容彥超違背已來鄉州內有接便為非者一切
不問諸軍將士歿于王事者各與賻贈都頭已上與贈
官兗州城內及官軍下寨四面去州五里內今年所徵
夏秋稅及沿徵錢物並放十里內只放一州管界今夏
苗子三分放一分城內百姓遭毀拆舍屋及遭燒焚者
給賜材木諸處差到人夫內有遭矢石死者各給絹三
匹仍放戶下三年徭役云癸未詔兗州降為防禦州仍
為望州六月乙酉朔帝幸曲阜縣謁孔子祠既奠將致

拜左右曰仲尼人臣也無致曰帝曰文宣王百代帝王師也得無敬乎即拜奠于祠前其所奠酒器銀鑪竝留于祠所遂幸孔林拜孔子墓帝謂近臣曰仲尼亞聖之後今有何人對曰前曲阜令龔文宣公孔仁玉是仲尼四十三代孫有鄉貢三禮顏涉是顏淵之後即召見仁玉賜緋口授曲阜令顏涉授主簿便令視事仍勅兗州修葺孔子祠宇墓側禁樵採丙戌車駕還京初帝以五月十三日至兗州賊尚拒守至十七日晝夢道士一人

進書卷首云車駕來月二日還京其下文字絕多不能
盡記既寤以夢告宰臣又四日而城拔帝至軍凡駐蹕
九日而賊平果以六月二日發離城下近代親征克捷
無如此之速也是日大雨城下行宮水深數尺其日晚
至中都縣帝笑謂侍臣曰今日若不離城下則當為潦
所溺矣戊戌車駕至自兗州辛丑以靈武節度使馮暉
卒輟視朝一日壬寅前翰林學士李漸自契丹中上表
陳奏機事且言偽幽州節度使蕭海貞欲謀嚮化帝甚

嘉之

宋史李瀚傳海貞與瀚相善瀚乘間諷海貞以南

南歸之計海貞納之周廣順二年瀚因定州孫方諫密表言契丹衰微之勢周祖嘉馬遣謀者田重霸賁詔慰撫仍命瀚通信瀚復表述契丹主幼弱多寵好擊

鞠大臣離貳若出師討伐因與通好

癸卯德妃董氏薨

乃其時也屬中原多故不能用其言

乙巳詔宣徽南院使袁義判開封府事辛亥以朔方軍

衙內都虞候馮繼業復起為朔方軍兵馬留後甲寅幸

舊宅為德妃舉哀故也秋七月丙辰詔內外臣僚每遇

永壽節舊設齋供今後中書門下與文武百姓其設一

齋侍衛親軍都指揮使已下共設一齋樞密使內諸司

使已下共設一齋其餘前任職員及諸司職掌更不得
開設道場及設齋是日大風雨破屋拔樹尚書省都堂
有龍穿屋壞獸角而去西壁有爪迹存焉襄州大水丁
卯詔復升陳州曹州為節鎮以侍衛馬軍都指揮使洋
州節度使郭崇為陳州節度使以侍衛步軍都指揮使
曹英為曹州節度使並典軍如故以陳州防禦使藥元
福為晉州節度使辛未詔相州節度使李筠權知潞州
軍州事丙子以小底都指揮使漢州刺史李重進為大

內都點檢兼馬步都軍頭令恩州團練使以內殿直都知駙馬都尉張永德領和州刺史充小底第一軍都指揮使八月甲申朔翰林學士刑部尚書張沆落職守本官以中書舍人史館修撰判館事徐台符為禮部尚書充翰林學士承旨以兵部侍郎韋勲為尚書右丞以尚書右丞于德辰為吏部侍郎以戶部侍郎邊歸謹為兵部侍郎以禮部侍郎趙上交為戶部侍郎以樞密直學士左散騎常侍陳觀為工部侍郎依前充職以刑部侍郎

郎景範為左司郎中充樞密直學士乙酉樞密使王峻
上章請解樞衡凡三上章詔不允庚寅潁州奏先于淮
南俘獲孳畜已準詔送還本土甲午詔止絕吏民詣闕
舉請刺史縣令賜宰臣李穀白藤肩輿時穀以今年七
月因步履傷臂請告數旬詔穀扶持三司刻名印署事
仍放朝參庚子潞州節度使常思移鎮宋州相州節度
使李筠移鎮潞州壬寅鄆州節度使高行周薨癸丑詔
改鹽麪法鹽麪犯五斤已上處死煎醃鹽者犯一斤已

上處死先是漢法不計斤兩多少竝處極刑至是始革之九月庚午以大理卿劇可久為太僕卿以左庶子張仁瑑為大理卿以司天監趙延入為太府卿兼判司天監事詔北面沿邊州鎮日守疆場不得入北界俘掠乙亥鎮州奏契丹寇深冀州遣龍捷都指揮使劉誨牙內都指揮使何繼筠等率兵拒之而退時契丹聞官軍至掠冀部丁壯數百隨行狼狽而北冀部被擄者望見官軍鼓譟不已官軍不敢進其丁壯盡為蕃軍所殺而去

丁丑以鄭州防禦使白重贊為相州留後戊寅樂壽都
監杜延熙奏于瀛州南殺敗契丹斬首三百級獲馬四
十七匹癸未帝姨母韓氏追封楚國夫人故第四姊追
封福慶長公主易州奏契丹武州刺史石越來奔冬十
月丙戌以前晉州節度使王彥超為河陽節度使庚寅
詔諸州罷任或朝覲竝不以器械進貢先是諸道州府
各有作院每月課造軍器逐季搬送京師進納其逐州
每年占留係有錢帛不少謂之甲料仍更于部內廣配

土產物徵斂數倍民甚苦之除上供軍器外節度使刺史又私造器甲以進貢為名功費又倍悉取之于民帝以諸州器甲造作不精兼占留屬省物用過當乃令罷之仍選擇諸道作工赴京作坊以脩役使乙未永興軍奏宣徽北院使知軍府事翟光鄴卒丁酉葬德妃廢朝戊戌以宣徽南院使表義權知永興軍府事以樞密直學士工部侍郎陳觀權知開封府事己亥升鉅野縣為濟州以樞密院副使鄭仁誨為宣徽北院使兼樞密副

使庚子幸樞密院王峻請之也甲辰宰臣李穀以臂傷未愈上表辭位凡三上章詔報不允丁未滄州奏自十月己前蕃歸漢戶萬九千八百戶是時北境饑饉人民轉徙襁負而歸中土者散居河北州縣凡數十萬口十一月丙辰荆南奏朗州大將劉言以今年十月三日領兵趨長沙十五日至潭州淮南所署湖南節度使邊鎬岳州刺史宋德權竝棄城遁去庚申以前少府監馬從斌為殿中監壬戌樞密使王峻亡妻崔氏追封趙國夫人

人非故事也乙丑刑部尚書張沆卒辛未陝州折從阮
移鎮邠州以前宋州節度使李洪義為安州節度使癸
酉青州符彥卿移鎮鄆州甲戌詔曰累朝已來用兵不
息至于繕治甲冑未免配役生靈多取于民助成軍器
就中皮革尤峻科刑稍犯嚴條皆抵極典鄉縣以之生
事姦猾得以侵漁宜立所規用革前弊應天下所納牛
皮今將逐所納數三分內減二分其一分于人戶苗畝
上配定每秋夏苗共十頃納連角皮一張其黃牛納乾

筋四兩水牛半斤犢子皮不在納限牛馬驢騾皮筋角
今後官中更不禁斷只不得將出化外敵境州縣先置
巡檢牛皮節級並停丙子詔曰應内外文武官寮幕職
州縣官舉選人等今後有父母祖父母亡歿未經遷葬
者其主家之長不得輒求仕進所由司亦不得申舉解
送如是卑幼在下者不在此限己卯日南至帝御崇元
殿受朝賀伏衛如儀十二月丙戌權武平軍留後劉言
遣牙將張崇嗣入奏于十月十三日與節度副使王進

達行軍司馬何敬貞指揮使周行逢等同共部領戰棹
攻收湖南偽節度使邊鎬當夜出奔王進達等已入潭

州九國志王達傳達朗州武陵人或名進達邊鎬為武
安軍節度使召劉言入覲言不行謀于達曰江南召
我不往必加兵于我矣為之奈何達曰鎬之此來以制
置潭朗為名公如速行正入其算武陵負江湖之阻帶
甲百萬乃欲拱手臣異姓乎鎬新至長沙經畧未定乘
人心憤怒引兵攻鎬可一鼓而擒也言然之乃遣與何
景真等同起兵于武陵號十指揮使以攻邊鎬達率舟
師南上至長沙邊鎬大駭以所部奔歸江南諸州屯守
皆罷之盡復癸巳太子太師致仕安叔千卒甲午詔今
湖外之地

後諸侯入朝不得進奏買宴丁酉皇子澶州節度使榮

落起復加同平章事戊戌太子少傅致仕王延卒壬寅
辛酉莊乙巳以端明殿學士顏衍權知開封府事御史
臺奏請改左右威衛復為左右屯衛從之避御名也是
冬無雪

廣順三年春正月壬子朔帝御崇元殿受朝賀仗衛如
儀辛太平宮起居漢太后甲寅賜羣臣射于內鞠場乙
卯武平軍兵馬留後劉言奏潭州干戈之後焚燒殆盡
乞移使府于武陵從之詔升朗州為大都督府在潭州

之上丙辰以武平節度使留後檢校太尉劉言為檢校太師同平章事行朗州大都督充武平軍節度兼三司水陸轉運等使制置武安靜江等軍事進封彭城郡公武平軍節度使使權知潭州軍州事檢校太傅王進達為檢校太尉行潭州刺史充武安軍節度使以武安軍行軍司馬兼衙內步軍都指揮使檢校太傅何敬貞為檢校太尉行桂州刺史充靜江軍節度使以張儆領峯州刺史充武平軍節度副使以朱元琇領黃州刺史充

靜江軍節度副使以周行逢領集州刺史充武安軍節度行軍司馬自進遠而下皆劉言將校也邠州奏慶州略蕃部野雞族略奪商旅侵擾州界詔遣寧州刺史張建武等率兵掩襲仍先賜勅書安撫如不從命卽進軍問罪辛酉詔賜朗州劉言應兩京及諸道舊屬湖南樓店邸第乙丑詔諸道州府係屬戶部營田及租稅課利等除京兆府莊宅務贍國軍權鹽務兩京行從莊外其餘並割屬州縣所徵租稅課利官中只管舊額其職員

節級一切停廢應有客戶元佃係省莊田桑土舍宇便
賜逐戶充為永業仍仰縣司給與憑由應諸處元屬營
田戶部院及係縣人戶所納租中課利起今年後並與
除放所有見牛犢並賜本戶官中永不收係云帝在民
間素知營田之弊至是以天下係官莊田僅萬計悉以
分賜見佃戶充永業是歲出戶三萬餘百姓既得為已
業比戶欣然于是葺屋植樹敢致功力又東南郡邑各
有租牛課戶往因梁太祖渡淮軍士掠民牛以千萬計

梁太祖盡給與諸州民輸租課自是六十餘載時移代
改牛租猶在百姓苦之至是特與除放未幾京兆府莊
宅務及權鹽務亦歸州縣依例處分或有上言以天下
係官莊田甚有可惜若遣貨之當得三十萬緡亦可資
國用帝曰苟利于民與資國何異丁卯戶部侍郎權
知貢舉趙上交奏諸科舉人欲等第各加封義場數進
士除詩賦外別試雜文一場從之兩浙弔祭使左練議
大夫李知損責授登州司馬員外置仍令所在馳驛放

遣知損銜命江浙所經藩郡皆強貸于侯伯為青州知
州張凝所奏故有是命己巳幸南莊臨水亭見雙鳧戲
于池上帝引弓射之一發疊貫從臣稱賀庚午以前邠
州節度使侯章為鄧州節度使前萊州刺史葉仁魯賜
死坐為民所訟故也辛未詔樞密使王峻巡視河隄峻
請行故從之辛未幸南莊閏月甲申朗州劉言潭州王
進逵奏廣賊占據桂管深入永州界俘劫遣朗州行軍
司馬何敬貞與指揮使朱全琇陳順等率水陸軍五萬

進擊丙戌回鶻遣使貢方物詔故梁租庸使趙巖姪崇
勲見居陳州量賜係官店宅從王峻之請也辛卯定州
奏契丹攻義豐軍出勁兵夜斫蕃營斬首六十級契丹
遁去甲午鎮州奏契丹寇境遣兵追襲至無極而還丙
申皇子澶州節度使榮來朝壬寅以樞密使尚書左僕
射同平章事監修國史王峻兼青州節度使餘如故延
州衙內指揮使高紹基奏言父允權患腳膝令臣權知
軍州事癸卯陳州奏吏民請與前刺史李穀立祠堂從

之時穀為宰相聞郡人陳請遜讓數四乃止甲辰鄴都
留守王殷加檢校太尉依前同平章事丙午鎮州節度
使何福進河陽節度使王產超竝加校太尉尉潞州節
度使李筠加檢校太傅丁未延州節度使高允權卒己
酉開封奏都城內錄到無名額僧尼寺院五十八所詔
廢之二月辛亥朔以前西京留守白文珂為太子太
師致仕進封韓國公癸丑安州節度使李洪義侍衛馬
軍都指揮使郭宗侍衛步軍都指揮使曹英竝加檢校

太尉唐州方城縣令陳守愚棄市坐剋留戶民蠶鹽一
千五百斤入已也內制國寶兩座詔中書令馮道書寶
文其一以皇帝承天受命之寶為文其一以皇帝神寶
為文案傳國寶始自秦始皇令李斯篆之歷代傳授事
具前史至唐末帝自燔之際以寶隨身遂俱焚焉晉高
祖受命特製寶一座開運末北戎犯闕少帝遣其子延
煦送于戎王戎王訝其非真少帝上表具訴其事及戎
王北歸賫以入蕃漢朝二帝未暇別製至是始創為之

庚申遣將作監李瓊知陝州軍州事甲子樞密使平盧
軍節度使尚書左僕射平章事監修國史王峻責授商
州司馬員外置所在馳驛發遣戊辰左監門上將軍李
建崇卒延州牙內都指揮使高紹基奏交割軍府與副
使張圖己巳朗州劉言奏當道先遣行軍司馬何敬貞
率兵掩擊廣賊行及潭州部衆奔潰湖南王進逵以敬
貞失律己梟首訖以樞密直學士工部侍郎陳觀為祕
書監壬申鳳翔少尹桑能責授鄧州長史能晉相維翰

之庶弟也坐據維翰別第為人所訟故也癸酉以戶部侍郎知貢舉趙上交為太子詹事是歲新進士中有李觀者不當策名物議誼然中書門下以觀所試詩賦失韻勾落姓名故上交移官丁丑幸南莊賜從官射命客省使向訓權知延州軍州事

舊五代史卷一百一十二

舊五代史卷一百十二攷證

周太祖紀三庚申車駕發京師 案五代春秋作庚辰
帝東征歐陽史從事作庚申

戊戌車駕至自兗州 案歐陽史作庚子至自兗州五
代春秋從是書作戊戌

節度副史王進達 王進達原本作進達後又作王達
攷九國志王達或名進達今改歸畫一

官中只管舊職 官中訛宮中今據下文改正

遣兵追襲至無極而還 案契丹國志作無極山是書

無山字當係史家省文今姑仍其舊

舊五代史卷一百十二攷證

欽定四庫全書

舊五代史卷一百十三

宋門下侍郎參知政事監修國史薛居正等撰

周書第四

太祖紀四

廣順三年春三月庚辰朔以相州留後白重贊為滑州
節度使以鄭州防禦使王進為相州節度使以前兗州
防禦使索萬進為延州節度使以亳州防禦使張鐸為

同州節度使甲申以皇子澶州節度使榮為開封尹兼
功德使封晉王仍令所司擇日備禮冊命丙戌以宣徽
北院使兼樞密副使鄭仁誨為澶州節度使以殿前都
指揮使李重進領泗州防禦使以客省使向訓為內客
省使己丑以棣州團練使王仁鎬為右衛大將軍充宣
徽北院使兼樞密副使庚寅端明殿學士尚書兵部侍
郎顏衍落職守本官

宋史顏衍傳衍權知開封府
王峻敗罷職守兵部侍郎

以翰

林學士中書舍人王溥為戶部侍郎充職以左司郎中

充樞密直學士景範為左諫議大夫充職祕書監陳觀
責授左贊善大夫留司西京坐王峻黨也癸巳大風雨
土戊申幸南莊夏四月甲寅禁沿邊民鬻兵仗與蕃人
戊辰河中節度使王景移鎮鳳翔宋州節度使常思進
移鎮青州鳳翔節度使趙暉移鎮宋州河陽節度使王
彥超移鎮河中賜朗州劉言綢三百匹以兵革之後匱
乏故也詔在京諸軍將士持支救接五月己卯朔帝御
崇元殿受朝賀仗衛如儀辛巳前慶州刺史郭產欽勒

歸私第國初以彥欽再刺慶州兼掌權鹽彥欽擅加權
錢民夷流怨州北十五里寡婦山有蕃部曰野雞族彥
欽作法擾之蕃情獷悍好為不法彥欽乃奏野雞族掠
奪網商帝遣使賫詔撫諭望其率化蕃人既苦彥欽貪
政不時報命朝廷乃詔邠州節度使折從阮寧州刺史
張建武進兵攻之建武勇于立功徑取野雞族帳擊殺
數百人又殺牛族素與野雞族有憾且聞官軍討代相
聚餉饋欣然迎奉官軍利其財貨孳畜遂劫奪之翻為

族所誘至包山負險之地官軍不利為蕃人追逐投崖
墜澗而死者數百人從阮等以兵自保不相救應帝怒
彥欽及建武俱罷其任及彥欽至京師故有是命丁亥
新授青州節度使常思進在宋州日出放得絲四萬一
千四百兩請徵入官詔宋州給還人戶契券其絲不徵
甲午中書侍郎同平章事集賢殿大學士權判門下省
事花質可權監修國史六月壬子滄州奏契丹幽州權
鹽制置使兼防州刺史知盧臺軍事張藏英以本軍兵

士及職員戶人孳畜七千頭口歸化癸丑以前開封尹
楚國公侯益為太子太師以前西京留守莒國公王守
恩為左衛上將軍以前興軍節度使李洪信為左武衛
上將軍甲寅以左衛上將軍宋彥筠為太子少師以太
子少師楊凝式為尚書右僕射致仕癸亥前河陽節度
使王繼弘卒己巳太子太傅李懷忠卒是月河南河北
諸州大水霖雨不止川陂漲溢襄州漢水溢入城深一
丈五尺居民皆乘筏登樹羣鳥集潞州河南無鳥秋七

月戊寅朔徐州言龍出豐縣村民井中即時澍雨漂沒
城邑癸未太子賓客馬胤孫卒甲申鄴都王殷奏乞朝
覲凡三上章允之尋以北邊奏契丹事機詔止其行以
左金吾上將軍安審信為太子太師致仕丁亥以右金
吾上將軍張從恩為左金吾上將軍以前鄧州節度使
張彥成為右金吾上將軍己丑以虎捷左廂都指揮使
永州防禦使韓通為陝州留後庚寅太府卿判司天監
趙延乂卒辛卯以前西京副留守盧價為太子賓客乙

未以御史中丞邊光範為禮部侍郎以刑部侍郎張煦
為御史中丞以翰林學士承旨尚書禮部侍郎徐台符
為刑部侍郎充職丙申太子太師致仕安審信卒丁酉
詔曰京兆鳳翔府同華郿延鄜耀等州所管州縣軍鎮
頃因唐末藩鎮殊風久歷歲時未能釐革政途不一何
以教民其婚田爭訟賦稅丁徭合是令佐之職其擒姦
捕盜庇護部民合是軍鎮警察之職今後各守職分專
切提撕如所職疎遣各行按責其州府不得差監徵軍

將下縣戊戌衛尉少卿李溫美責授房州司戶參軍溫
美奉使祭海便道歸家家在壽光縣為縣吏馮勲所訟
故黜之供奉官武懷贊棄市坐盜馬價入已也壬寅以
鴻臚少卿趙修己為司監八月己酉帝幸南莊丙辰內
衣庫使齊藏珍除名配沙門島藏珍奉詔修河不于役
所部輅私至近縣止宿及報隄防危急安寢不動遂致
橫流故有是責庚申邢州節度使劉詞移鎮河陽辛酉
以龍捷左廂都指揮使閻州防禦使田景咸為刑州留

後丁卯河決河陰京師霖雨不止給賜諸軍將士薪芻
有差癸酉以翰林學士戶部侍郎王溥為端明殿學士
甲戌潭州王進逵奏朗州劉言與淮賊通連差指揮使
鄭玟部領兵士欲併當道鄭玟為軍衆所執奔入武陵
劉言尋為諸軍所廢臣已至朗州安撫訖詔劉言勒歸
私第委王進逵取便安置是月所在州郡奏霖雨連縣
漂沫田稼損壞城郭廬舍九月己卯太子少保廬損卒
丁酉深州上言樂壽縣兵馬都監杜延熙為戍兵所害

先是齊州保寧郡兵士屯于樂壽都頭劉彥章等殺延
熙為亂時鄭州開道指揮使張萬友亦屯于樂壽然不
與之同朝廷急遣供奉官馬諤省其事諤乃與萬友擒
彥章等十三人斬之餘衆奔齊州是月多陰暄木再華
冬十月戊申朔詔以來年正月一日有事于南郊諸道
州府不得以進奉南郊為名輒有率斂已酉右金吾上
將軍張彥成卒庚戌以前同州節度使薛懷讓為左屯
衛上將軍以尚書左丞兼判國子監田敏權判太常卿

以禮部尚書王易權兵部尚書太常奏郊廟社稷壇位
制度請下所司修奉從之以中書令馮道為南郊大禮
使以開封尹晉王榮為頓遞使權判太常卿田敏為禮
簿使御史中丞張煦為儀仗使權判太常卿田敏為禮
儀使以前潁州防禦郭瓊為權宗正卿甲寅以前光祿
卿丁知浚復為光祿卿丙辰幸南莊西莊己未前寧州
刺史張建武責授右司禦副率以野雞族失利故也
以前翰林學士工部侍郎魚宗諒為禮部侍郎充翰林

學士時崇諒解職于陝州就養至是再除禁職仍賜詔
召之令本州給行裝鞍馬侍親歸朝以太子賓客張昭
為戶部尚書以太子賓客李濤為刑部尚書詔中書令
馮道赴西京迎奉太廟神主甲子中書令馮道率百官
上尊號曰聖明文武仁德皇帝答詔不允凡三上章允
之仍俟郊禮畢施行壬申鄴都邢洺等州皆上言地震
鄴都尤甚十一月辛巳廢共城稻田務任人佃蒔乙酉
日南至帝不受朝賀庚寅鎮州節度使何福進奏乞朝

覲三奏允之詔侍衛步軍都指揮使曹英權知鎮州軍府事癸巳以將作監李瓊為濟州刺史壬寅詔重定天下縣邑除畿赤外其餘三千戶已上為望縣二千戶已上為緊縣一千戶已上為上縣五百戶已上為中縣不滿五百戶為中下縣十二月戊申雨水冰是日四廟神主至西郊帝郊迎奠饗奉神主入于太廟設奠安神而退壬子前單州刺史趙鳳賜死坐為民所訟故也甲寅詔諸道州府縣鎮城內人戶舊請蠶鹽徵價起今後並

停甲子鎮州節度使何福進來朝乙丑鄴都留守王殷
來朝丙寅禮儀使奏皇帝郊廟行事請以晉王榮為亞
獻通攝終獻行事從之己巳左補闕王伸停任坐檢田
于亳州虛憑紐配故也辛未鄴都留守侍衛親軍都指
揮使王殷削奪在身官爵長流登州尋賜死于北郊其
家人骨肉並不問罪癸酉帝宿齋于崇元殿為來年正
月一日親祀南郊也時帝已不豫甲戌宿于太廟乙亥
質明帝親饗太廟自齋宮乘步輦至廟庭被袞冕令近

臣翼侍陞階止及一室行禮俛首而退餘命晉王率有司終其禮是日車駕赴郊宮顯德元年春正月丙子朔帝親祀圜丘禮畢詣郊宮受賀車駕還宮御明德樓宣制大赦天下改廣順四年為顯德元年自正月一日昧爽已前應犯罪人常赦所不原者咸赦除之内外將士各優給文武職官竝與加恩内外命婦竝與進封寺監攝官七周年已上者同明經出身今後諸寺監不得以白身署攝升朝官兩任已上著綠十五周年與賜緋著

緋十五年與賜紫州縣官曾經五度參選雖未及十六
考與授朝散大夫階年七十已上授優散官賜緋應奉
郊廟職掌人員竝與恩澤今後不得以梁朝及清泰朝
為偽朝偽主天下帝王陵廟及名臣墳墓無後官為檢
校云宣赦畢帝御崇元殿受冊尊號禮畢羣臣稱賀時
帝郊祀御樓受冊有司多畧其禮以帝不豫故也先是
有占者言鎮星在氐房乃鄭宋之分當京師之地兼氐
宿主帝王路寢若散財以致福遷幸以避災庶幾可以

驅襍矣帝以遷幸煩費不可輕議散財可矣故有郊禋之命洎歲暮帝疾增劇郊廟之禮蓋勉而行之耳戊寅詔廢鄴都依舊為天雄軍大名府在京兆府之下庚辰制皇子開封尹晉王榮可開府儀同三司檢校太尉兼侍中行開封尹功德使判內外兵馬事襄州安審琦進封陳王鄆州符彥卿進封衛王移鎮天雄軍荆南高保融進封南平王夏州李彝興進封西平王甲申宋州趙暉進封韓國公青州常思進封萊國公徐州王晏進封

滕國公鄧州侯章進封申國公西京武行德進封譙國
公許州郭從義加檢校太師鳳翔王景進封哀國公華
州孫方諫進封蕭國公自趙暉已下竝加開府儀同三
司乙酉分命朝臣往諸州開倉減價出糶以濟饑民詔
潭州依舊為大都督府在朗州桂州之上丙戌以澶州
節度使鄭仁誨為樞密使加同平章事鄜州楊信加開
府儀同三司進封杞國公邠州折從阮加開封儀同三
司改封鄭國公滄州李暉加檢校太尉宋州李洪義加

檢校太師貝州王饒加檢校太尉以陳州節度使兼侍
衛馬軍都指揮使郭崇為澶州節度使加同平章事以
曹州節度使兼侍衛步軍都指揮使曹英為鎮州節度
使加同平章事潭州王進達加特進兼侍中河陽劉詞
加檢校太尉河中王彥超加同平章事以鎮州節度使
何福進為鄆州節度使加同平章事潞州李筠加同平
章事戊子晉州藥元福滑州白重贊相州王進同州張
鐸竝加檢校太傅以延州節度使索萬進為曹州節度

使加檢校太傅定州留後孫行友邢州留後田景威陝
州留後韓通靈武留後馮繼業竝正授節度使庚寅夜
東北有大星墜其聲如雷壬辰宰臣馮道加守太師范
質加尚書左僕射監修國史李穀加右僕射集賢殿大
學士以端明殿學士尚書戶部侍郎王溥為中書侍郎
平章事

東都事畧太祖將大漸促召學士草制以溥為
中書侍郎同中書門下平章事已宣制太祖曰

吾無
恨矣

司徒竇貞固進封沂國公司空蘓禹珪進封莒國

公竝加開府儀同三司以宣徽南院使知永興軍府事

袁義為延州節度使以宣徽北院使兼樞密副使王仁
鎬為永興軍節度使以前安州節度使王令溫為陳州
節度使以殿前都指揮使泗州防禦使李重進為武信
軍節度使檢校太保典軍如故以龍捷左廂都指揮使
睦州防禦使樊愛能為侍衛馬軍都指揮使洋州節度
使加檢校太保以虎捷左廂都指揮使果州防禦使何
徽為侍衛步軍都指揮使利州節度使加檢校太保以
樞密承旨魏仁浦為樞密副使是日己時帝崩于滋德

殿聖壽五十一祕不發喪乙未遷神柩于萬歲殿召文武百官班于殿庭宣遺制晉王榮可于柩前卽皇帝位服紀月日一如舊制云是歲自正月朔日後景色昏晦日月多暈及嗣君卽位之日天氣晴朗中外肅然帝自郊裡後其疾乍瘳乍劇晉王省侍不離左右

東都事畧李重進周

太祖之甥母卽福慶長公主重進年長于世宗及太祖寢疾召重進受顧命令拜世宗以定君臣之分累

諭晉王曰我若不起此疾汝卽速治山陵不得久留殿內陵所務從儉素應緣山陵役力人匠竝須和雇不計

近遠不得差配百姓陵寢不須用石柱費人功只以甃代之用瓦棺紙衣臨入陵之時召近稅戶三十家為陵戶下事前揭開瓦棺徧視過陵內切不可傷他人命勿修下宮不要守陵宮人亦不得用石人石獸只立一石記子鐫字云大周天子臨晏駕與嗣帝約緣平生好儉素只令著瓦棺紙衣葬若違此言陰靈不相助又言朕收河府時見李家十八帝陵園廣費錢物人力並遭開發汝不聞漢文帝儉素葬在霸陵原至今見在如每

年寒食無事時即仰量事差人灑掃如無人去只遙祭兼仰于河府魏府各葬一副劔甲澶州葬通天冠絳紗袍東京葬一副平天冠袞龍服千萬千萬莫忘朕言二月甲子太常卿田敏上尊諡曰聖神恭肅文武皇帝廟號太祖四月乙巳葬于嵩陵宰臣李穀撰諡冊文王

溥撰哀冊文

五代史補高祖之為樞密使也每出入常恍然觀人前導狀若臺省人吏其服色一

緋一綠高祖以為不詳深憂之及河中鳳翔永興等處反詔命高祖征之一舉而二鎮瓦解自是權傾天下論者以為功高不賞郭氏其危乎高祖聞而恐懼居無何忽觀前導者服色緋者改紫綠者改緋高祖心始安曰

被二人者但見其升不見其降吉兆也未幾遂為三軍所推戴高祖之入京師也三軍分擾殺人爭物者不可勝數時有趙童子者知書善射至防禦使觀其紛擾竊憤之乃大呼于衆中曰樞密太尉志在除君側以安國所謂兵以義舉罷輩敢爾乃賊也豈太尉意耶于是持弓矢于所居巷口據牀坐凡軍人之來侵犯者皆殺之由是居人賴以保全僅數千家其間亦有致金帛于門下用為報答已堆集如丘陵焉童子見而笑曰吾豈求貨者耶于是盡歸其主高祖聞而異之陰謂世宗曰吾聞人間識云趙氏合當為天子觀此人才略度量近之矣不早除去吾與汝其可保乎使人誣告收付御史府劾而誅之洎高祖厭世未十年而皇宋有天下趙氏之識乃應于斯知王者不死信矣哉高祖征李守貞軍次河上高祖盧其爭濟臨岸而諭之未及坐忽有羣鴉噪于上高祖退十餘步引弓將射之矢未及發而岸崩其聲裂之勢在高祖足下高祖棄弓顧羣鴉而笑曰得非

天使汝驚動吾耶如此則李守貞不足破矣于是三軍
欣然各懷鬪志矣五代史闕文周太祖在漢隱帝朝為
樞密使將兵伐河中李守貞時馮道守太師不與朝政
以請告周祖謁道于私第問伐蒲策道辭以不在其位
不敢議國事周祖固問之道不得已謂周祖曰相公頗
知博乎周祖微時好蒲博屢以此抵罪疑道譏已勃然
變色道曰是行亦猶博也夫博財多者氣豪而勝財憂
者心怯而輸守貞在晉累典禁兵自謂軍情附已遂謀
反耳今相公誠能不惜官錢廣施惠愛明其賞罰使軍
心許國則守貞不足慮也周祖曰叅聞命矣故伐蒲之
役周祖以便宜從事卒成大功然亦軍旅歸心終移漢
祚又周祖自鄴起兵赴關漢隱帝兵敗遇害于劉子波
周祖入京師百官謁周祖見道猶設拜意道便行推戴
道授拜如平時徐曰侍中此行不易周祖氣沮故禪代
之謀稍緩及請道詣徐州冊湘陰公為漢嗣道曰侍中
由衷乎周祖設誓道曰莫教老夫為謬語令為謬語人

欽定四庫全書

卷一百十三

臣謹案周世宗朝詔御史臣修周祖實祿故道之事所宜諱矣

史臣曰周太祖昔在初

潛未聞多譽洎平衍蒲阪北鎮鄴臺有統御之勞顯英
偉之量旋屬漢道斯季天命有歸總虎旅以盪神京不
無慙德攬龍圖而登帝位遂闡皇風朞月而弊政皆除
逾歲而羣情大服何遷善之如是蓋應變以無窮者也
所以魯國禿徒望風而散并門遺孽引日偷生及鼎駕
之將昇命瓦棺而薄葬勤儉之美終始可稱雖享國之
非長亦開基之有裕矣然而二王之誅議者譏其不能

駕馭權豪傷于猜忍卜年斯促抑有由焉

舊五代史卷一百十三

舊五代史卷一百十三攷證

周太祖紀四又殺牛族素與野雞族有憾 殺牛族原
本作殺牛于族攷通鑑五代會要宋史東都事略俱
作殺牛族知原本于字衍今刪

以前西京留守莒國公王守恩為左衛上將軍王守恩
原本作守思今據通鑑改正

舊五代史卷一百十三政證

欽定四庫全書

舊五代史卷一百十四

宋門下侍郎參知政事監修國史薛居正等撰

周書第五

世宗紀一

世宗睿武孝文皇帝諱榮太祖之養子蓋聖穆皇后之

姪也本姓柴氏父守禮太子少保致仕

隆平集云柴翁者常獨居室人

以為司冥事一日笑不止妻問其故不答翁嗜飲妻醉之以酒乃曰上帝有命郭郎為天子考柴翁即守禮之

父史佚其名

帝以唐天祐十八年歲在辛巳九月二十四日

丙午生于邢州之別墅年未童冠因侍聖穆皇后在太

祖左右時太祖無子家道淪落然以帝謹厚故以庶事

委之帝悉心經度貨用獲濟太祖甚憐之乃養為己子

漢初太祖以佐命功為樞密使帝始授左監門衛將軍

國志談苑云周世宗在漢為諸衛將軍嘗遊畿甸謁縣令忘其姓名令方聚邑客蒲博弗得見世宗頗銜之及即位令因部夫犯賊數百尺宰相范質以具獄上奏世宗曰親民之官賊狀狼籍法當處死質奏曰受所監臨財物有罰上賊雖多法不至死世宗怒厲聲曰法者自古帝王之所制本以防姦朕立法殺賊吏非酷刑也質

曰陛下殺之則可若付有司臣不敢署勅遂貸其命二年太祖鎮鄴改天雄軍牙

內都指揮使領貴州刺史檢校右僕射三年冬太祖入平內難留帝守鄴城廣順元年正月太祖踐祚帝懇求入覲忽夢至河而不得渡尋授澶州節度使檢校太保封太原郡侯帝在鎮為政清肅盜不犯境先是澶之里

街湫隘公署毀圯帝即廣其街肆增其廨宇吏民賴之

宋史王贊傳周世宗鎮澶淵每旬決囚贊引律令辨析中理問之知其當事學問即署右職二年

正月兗州慕容彥超反帝累表請征行太祖嘉之及曹

英等東討數月無功太祖欲親征召羣臣議其事宰臣
馮道奏以方當盛夏車駕不宜衝冒太祖曰寇不可訖
如朕不可行當使澶州兒子擊賊方辦吾事時樞密王
峻意不欲帝將兵故太祖親征六月兗州平十二月加
檢校太傅同平章事三年正月帝入覲三月授開封尹
兼功德使封晉王顯德元年正月庚辰加開府儀同三
司檢校太尉兼侍中依前開封尹兼功德使判內外兵
馬事時太祖寢疾彌留士庶憂沮及聞帝總內外兵柄

咸以為恆

隆平集曹翰諫世宗幕下世宗鎮澶淵以為牙校及尹開封翰猶在澶淵聞周祖寢疾不

俟召來見世宗密言曰王為冢嗣不侍醫藥何以副天下望世宗悟入侍禁中以府事命翰總決壬辰

太祖崩秘不發喪丙申內出太祖遺制晉王榮可於柩

前即位羣臣奉帝即皇帝位庚子宰臣馮道率百僚上

表請聽政凡三上壬寅帝見羣臣於萬歲殿門之東廡

下二月庚戌潞州奏河東劉崇與契丹大將軍楊充舉

兵南指壬戌宰臣馮道率百僚上表請御殿凡三上允

之丁卯以中書令馮道充山陵使太常卿田敏充禮儀

使兵部尚書張昭充鹵簿使御史中丞張煦充儀仗使
開封少尹權判府事王敏充橋道使河東賊將張暉率
前鋒自團栢谷入寇帝召羣臣議親征宰臣馮道等奏
以劉崇自平陽奔遁之後勢弱氣奪未有復振之理竊
慮聲言自來以誤于我陛下纂嗣之初先帝山陵有日
人心易搖不宜輕舉命將禦寇深以為便帝曰劉崇幸
我大喪聞我新立自謂良便必發狂謀謂天下可取謂
神器可圖此際必來斷無疑耳馮道等以帝銳于親征

因固諍之帝曰昔太宗之創業靡不親征朕何憚焉道
曰陛下未可便學太宗帝又曰劉崇烏合之衆苟遇王
師必如山壓卵耳道曰不知陛下作得山否帝不悅而
罷召諸道募山林亡命之徒有勇力者送于闕下仍目
之為強人帝以趨捷勇猛之士多出于羣盜中故令所
在招納有應命者即貸其罪以禁衛處之至有朝行殺
奪暮升軍籍讎人遇之不敢仰視帝意亦患之其後頗
有不獲宥者三月丁丑潞州奏河東劉崇入寇兵馬監

押穆令均部下兵士為賊軍所襲官軍不利詔天雄軍
節度使符彥卿領兵自磁州固鎮路赴潞州以澶州節
度使郭崇副之詔河中節度使王彥超領兵取晉州路
東向邀擊以陝府節度使韓通為副命宣徽使向訓馬
軍都指揮使樊愛能步軍都指揮使何徽滑州節度使
白重贊鄭州防禦使史彥超前耀州團練使符彥能等
領兵先赴澤州辛巳制大赦天下常赦所不原者咸赦
除之諸貶降責授官量與升陟叙用應配流徒役人竝

放逐便諸道州府所欠去年夏秋租稅並放內外見任
前文武職官並與加恩父母在者並與恩澤亡沒者與
封贈其母妻未叙者特與叙封云前涇州節度使史匡
懿卒癸未詔以劉崇入寇車駕取今月十一日親征甲
申以樞密使鄭仁誨為東京留守乙酉車駕發京師壬
辰至澤州癸巳王師與河東劉崇契丹楊衮大戰于高
平賊軍敗績初車駕行次河陽聞劉崇自潞而南即倍
程而進是月十八日至澤州既晡帝御戎服觀兵于東

北郊距州十五里夜宿于村舍十九日前鋒與賊軍相遇賊陣于高平縣南之高原有賊中來者云劉崇自將騎三萬并契丹萬餘騎嚴陣以待官軍帝促兵以擊之崇東西列陣頗亦嚴整乃令侍衛馬步軍都虞候李重進滑州節度使白重贊將左居陣之西廂侍衛馬軍都指揮使樊愛能步軍都指揮使何徽將右居陣之東廂宣徽使向訓鄭州防禦使史彥超以精騎當其中殿前都指揮使張永德以禁兵衛蹕帝介馬觀戰兩軍交鋒

未幾樊愛能何徽望賊而遁東廂騎軍亂步軍解甲投

賊帝乃自率親騎臨陣督戰

隆平集馬仁瑀傳從世宗親征劉崇王師不利仁瑀

謂衆曰主辱臣死因躍馬大呼引弓連斃將卒數十士氣始振

今上

案是書成於開寶中故稱宋太祖為

今上原本空一格今改正連屬

馳騎于陣前先犯其鋒戰士皆奮命爭

先賊軍大敗日暮賊萬餘人阻澗而陣會劉詞領兵至

與大軍迫之賊軍又潰臨陣斬賊大將張暉及偽樞密

使王延嗣諸將分兵追襲殪尸棄甲填滿山谷初夜官

軍至高平降賊軍數千人所獲輜重兵器駝馬偽乘輿

器服等不可勝紀其夕殺降軍二千餘人我軍之降敵者亦皆就戮初兩軍之未整也風自東北起不利于我及與賊軍相遇風勢陡迴人情相悅戰之前夕有大星如日流行數丈墜于賊營之上及戰北人望見官軍之上有雲氣如龍虎之狀則天之助順亶其然乎是日危急之勢頃刻莫保賴帝英武果敢親臨寇敵不然則社稷幾若綴旒矣是夕帝宿于野次甲午次高平縣詔賜河東降軍二千餘人各絹二匹并給其衣裝鄉兵各給

絹一匹放還本部是日大雨戊戌車駕至潞州河南府
上言前青州節度使常思卒己亥侍衛馬軍都指揮使
夔州節度使樊愛能侍衛步軍都指揮使壽州節度使
何徽節并諸將校七十餘人並伏誅高平之役兩軍既
成列賊騎來挑戰愛能望風而退何徽以徒兵陣于後
為奔騎所突即時潰亂二將南走帝遣近臣宣諭止遏
莫肯從命皆揚言曰官軍大敗餘衆已解甲矣至暮以
官軍克捷方稍稍而迴帝至潞州錄其奔遁者自軍使

以上及監押使臣竝斬之由是驕將隨兵無不知懼帝
以何徽有平陽守禦之功欲貸其罪竟不可與愛能俱

殺之皆給轎車歸塋

東都事畧世宗謂張永德曰樊愛能及偏裨七十餘人吾欲盡按軍

法如何對曰必欲開拓疆宇威加四海安可已也世宗善其言悉誅愛能等以徇軍聲始振

庚子以

以侍衛馬步都虞候李重進為許州節度使以宣徽南

院使向訓為滑州節度使以殿前都指揮使張永德為

武信軍節度使職竝如故以滑州節度使白重贊為鄆

州節度使以鄭州防禦使史彥超為華州節度使賞高

平之功也以晉州節度使樂元福為同州節度使以宣
徽北院使楊廷璋為晉州節度使以同州節度使張鐸
為彰義軍節度使以客省使吳延祚為宣徽北院使以
龍捷左廂都指揮使李千為蔡州防禦使以龍捷右廂
都指揮使田中為密州防禦使以虎捷右廂都指揮使
張順為登州防禦使以龍捷左第二軍都指揮使孫延
進為鄭州防禦使以前耀州團練使符彥能為澤州防
禦使以散員都指揮使李繼勲為殿前都虞候以殿前

都虞候韓令坤為龍捷左廂都指揮使以鐵騎第一軍
都指揮使趙弘殷為龍捷右廂都指揮使以散員都指
揮使慕容延釗為虎捷左廂都指揮使以控鶴第一軍
都指揮使趙鼎為虎捷右廂都指揮使並遙授團練使
其餘改轉有差壬寅以天雄軍節度使衛王符彥卿為
河東行營都部署知太原行府事以澶州節度使郭崇
為行營副部署以宣徽南院使向訓為行營兵馬都監
以侍衛都虞候李重進為行營都虞候以華州節度使

史彥超為先鋒都指揮使領步騎二萬進討河東詔河中節度使王彥超陝府節度使韓通率兵自陰地關討賊以河陽節度使劉詞為隨駕都部署以鄜州節度使白重贊為隨駕副部署夏四月乙巳太祖靈駕發東京乙卯塋于嵩陵河中節度使王彥超奏偽汾州防禦使董希顏以城歸順

宋史王彥超傳彥超自陰地關與符彥卿會兵圍汾州諸將請急攻彥超

曰城已危矣旦暮將降我士卒精銳驅以先登丙辰偽

必死傷者衆少待之翼日州將董希顏果降

遼州刺史張漢超以城歸順丁巳幸栢谷寺遣右僕射

平章事判三司李穀赴河東城下計度軍儲詔河東城
下諸將招撫戶口禁止侵掠只令徵納當年租稅及募
民入粟五百斛草五百圍者賜出身千斛千圍者授州
縣官辛酉符彥卿奏嵐憲二州歸順壬戌制立衛國夫
人符氏為皇后仍令有司擇日備禮冊命王彥超奏收
下石州獲偽刺史安彥進宋史王彥超傳引兵趨石州
彥超親鼓士乘城躬冒矢石
數日下之擒其守
將安彥進獻行在癸亥偽沁州刺史廷誨以城歸順甲
子皇妹壽安公主張氏進封晉國長公主乙丑東京奏

太師中書令馮道薨丙寅太祖皇帝神主祔于太廟庚

午曲赦潞州見禁罪人除死罪外竝釋放是日車駕發

潞州親征劉崇癸酉忻州偽監軍李勅殺敕史趙臯及

及契丹大將楊努珣

舊作報姑
今改正

以城歸順詔授李勅忻

州刺史五月乙亥以尚書右丞邊歸謹守本官充樞密

直學士以尚書戶部侍郎陶穀守本官充翰林學士

宋史

陶穀傳從征太原時魚崇諒迎母後至穀乘間言曰崇諒宿留不來有顧望意世宗頗疑之崇諒又表陳母病

詔許歸陝州就養以穀為翰林學士

丙子車駕至太原城下是日偽代州

防禦使鄭處謙以城歸順丁丑觀兵于太原城下帝親
自慰勉錫賚有差升代州為節鎮以靜塞軍為額以鄭
處謙為節度使戊寅斬偽命石州刺史安彥進于太原
城下以其拒王師也庚辰以前中武軍節度使郭從義
為天平軍節度使遣符彥卿郭從義向訓白重贊史彥
超等率步騎萬餘赴忻州

宋史符彥卿傳彥卿之行也
世宗以并人雖敗朝廷饋運

不繼未議攻擊且令觀兵城下徐圖進取及周師入境
汾晉吏民望風疑接皆以久罹虐政願輸軍須以資兵
世宗從之而連下州府卿等皆以芻糧未備欲
旋軍世宗不之省乃調山東近郡餽軍食濟之是夜大

風發屋拔樹壬午以宰臣李穀判太原行府事辛丑升
府州為節鎮以永安軍為軍額以本州防禦使折德宸
為節度使六月癸卯朔詔班師車駕發離太原時大集
兵賦及徵山東懷孟蒲陝丁夫數萬急攻其城旦夕之
間期于必取會大雨時行軍士勞苦復以忻口之師不
振帝遂決旋師之意指麾之間頗傷匆遽部伍紛亂無
復嚴整不逞之徒訛言相恐隨軍資用頗有遺失者賊
城之下糧草數十萬悉焚棄之

通鑑考異引晉陽見閩
錄六月旦周師南轅返

旆惟數百騎問之以步率千人長槍赤甲銜趨捷跳梁于城隅晡晚殺行而抽退宋史藥元福傳詔命班師元福上言曰進軍甚易退軍甚難世宗曰一以委卿遂部分率伍為方陣而南元福以麾下為後殿崇東出兵來追元福擊走之乙巳車駕至潞州癸丑帝發潞州乙丑幸新鄭

縣丙寅帝親拜嵩陵祭奠而奠賜守陵將吏及近陵戶

帛有差

五代會要顯德元年二月車駕征太原回親拜嵩陵望陵號慟至陵所俯伏哀泣感于左右再

拜訖祭奠而退

庚午帝至自河東秋七月癸酉朔前河西軍節

度使申師厚責授右監門衛率府副率師厚在涼州歲餘以所部艱食蕃情反覆奏乞入朝尋留其子為留後

不俟詔離任故責之乙亥天雄軍節度使衛王符彥卿
進位守太傅改封魏王鄆州郭俊義加兼中書令河陽
劉詞移鎮永興軍加兼侍中潞州李筠加兼侍中河中
王彥超移鎮許州加兼侍中許州節度使衛都虞候李
重進移鎮宋州加同平章事兼侍衛親軍都指揮使以
信武軍節度兼殿前衛都指揮使張永德為滑州節度
使加檢校太傅典軍如故同州藥元福移鎮陝州加檢
校太尉鄜州白重贊移鎮河陽加檢校太尉陝州韓通

移鎮曹州加檢校太傅帝即位之初覃慶于諸侯是賞
從征之功也丙子以前禮部侍郎邊光範為刑部侍郎
權判開封府事丁丑天下兵馬元帥吳越國王錢俶加
天下兵馬都元帥襄州節度使陳王安審琦加守太尉
戊寅右散騎常侍張可復率以前亳州防禦使李萬金
為鄜州留後庚辰幸南莊辛巳荆南節度使南平王高
保融加守中書令夏州節度使西平王李彝興加守太
保西京留守武行德徐州王晏鄧州侯章竝加兼中書

令癸未湖南王進遠加兼中書令天德軍節度使郭勲
邠州折從阮安州李洪義竝加兼侍中以前華州節度
使孫方諫為同州節度使加兼中書令以前永興軍節
度使王仁鎬為河中節度使加檢校太尉乙酉滄州李
暉貝州王饒鎮州曹英竝加兼侍中涇州張鐸相州王
進延州表叢竝加檢校太尉壬辰百寮上表請以九月
二十四日誕聖日為天清節從之癸巳以左僕射兼門
下侍郎平章事監修國史范質為守司徒兼門下侍郎

平章事弘文館大學士

國志談苑云周太祖嘗令世宗詣范質時為親王軒車高大門

不能容世宗即下馬步入及嗣位從容質曰卿所居舊宅耶門樓一何小哉因為治第

以左僕射

兼中書侍郎平章事集殿大學士判三司李穀為守司

徒兼門下侍郎平章事監修國史以中書侍郎平章事

王溥為中書侍郎

兼禮部尚書平章事集賢殿大

學士以樞密院學士工部侍郎景範為中書侍郎平章

事判三司樞密使檢校太保同平章事鄭仁誨加兼侍

中靈武馮繼業定州孫行友邢州田景威竝加檢校太

傳晉州楊廷璋加檢校太保以太子詹事趙上交為太

子賓客乙未以樞密副使右監門衛大將軍魏仁浦為

樞密使檢校太保

東都事畧云議者以仁浦不由科第進世宗曰顧才何如耳遂用之

丙申以中書舍人史館修撰判館事劉溫叟為禮部侍

郎判館如故丁酉相州節度使王進卒八月壬申朔以

宣徽北院使吳延祚為右監門衛大將軍充職以樞密

院直學士尚書右丞邊歸謹為尚書左丞充職甲辰辛

南莊賜從臣射乙巳以吏部侍郎顏衎為工部尚書致

仕丙午同州節度使孫方諫卒己酉前澤州刺史李彥
崇責授右司禦副率高平之役帝與賊軍相遇即令彥
崇領兵守江猪嶺以遏寇之歸路彥崇初見王師已却
即時而退及劉崇兵敗果由茲嶺而遁故有是責壬子
以金州防禦使王暉為同州留後癸丑以吳越國內外
都指揮使吳延福為寧國軍節度使檢校太尉從錢俶
之請也以太子少師宋彥筠為太子太師致仕甲寅以
兵部郎中兼太常博士尹拙為國子祭酒丙辰皇姑故

福慶長公主追封燕國大長公主李從進之母也丁巳
以戶部郎中致仕景初為太僕卿致仕宰臣範之父也
己巳華州鎮國軍宜停依舊為郡庚午以給事中劉悅
康澄竝為右散騎常侍辛未以左散騎常侍裴巽為御
史中丞以御史中丞張煦為兵部侍郎集賢殿學士判
院事司徒詡為吏部侍郎以左散騎常侍薛冲又為工
部侍郎九月壬申朔以東京舊宅為皇建禪院甲戌以
武安軍節度副使知潭州軍府事周行逢為鄂州節度

使知潭州軍府事加檢校太尉丙戌右屯衛將軍薛訓
除名流沙門島坐監雍兵倉縱吏卒撻斂也已亥以右
僕射致仕韓昭胤左僕射致仕揚凝式並為太子太保
致仕以太子太傅致仕李肅為太子太師致仕辛丑斬
宋州巡檢供奉官副都知竹奉璘于寧陵縣坐盜掠商
船不捕獲也冬十月甲辰左羽林大將軍孟漢卿賜死
坐監納厚取耗餘也丙午以安州節度使李洪義為青
州節度使以貝州節度使王饒為相州節度使以徐州

節度使王晏為西京留守以西京留守武行德為徐州
節度使戊申以龍捷左廂都指揮使泗州防禦使令坤
坤為洋州節度使充侍衛馬軍都指揮使以虎捷右廂
都指揮使永州防禦使李繼勲為利州節度使充侍衛
步軍都指揮使己酉太子太保致仕楊凝式卒詔安貝
二州依舊為防禦州其軍額並停壬子以今上為永州
防禦使依前殿前都虞侯戊午監修國史李穀等上言
曰竊以自古王者咸建史官君臣獻替之謀皆衛須備

載家國安危之道得以直書歷代已來其名不一人君言動則起居注創于累朝輔相經綸則時政記興于前代然後採其事實編作史書蓋緣聞見之間須有來處記錄之際得以審詳今之左右起居卽卽古之左右史也唐文宗朝命其官執筆立于殿階螭頭之下以紀政事後則明宗朝命端明殿及樞密直學士皆輪修日歷旋送史官以備纂修及近朝此事皆廢史官惟憑百司報狀館司但取兩省制書此外雖有訪聞例非端的伏

自先皇帝創開昌運及皇帝陛下繼嗣丕基其聖德武功神謀睿畧而皆萬幾宥密丹禁深嚴非外臣之所知豈庶僚之可訪此後欲望以諮詢之事裁制之規別命近臣旋具抄錄每當修撰日歷即令封付史臣庶國事無漏畧之文職業免踈遺之咎從之因命樞密直學士起今後于樞密使處逐月抄錄事件送付史館己未供奉官却光庭棄市坐在葉縣巡檢日挾私斷殺平人也
是日大閱帝親臨之帝自高平之役覩諸軍未甚嚴整

遂有退却至是命令上一概簡閱選武藝超絕者署為
殿前諸班因是有散員散指揮使內殿直散都頭鐵騎
控鶴之號復命總戎者自龍捷虎捷以降一一選之老
弱羸小者去之諸軍士伍無不精當由是兵甲之盛近
代無比且減冗食之費焉

五代會要顯德元年上謂侍
臣曰侍衛兵士老少相半強

懦不分蓋徇人情不能選練今春朕在高平與劉崇及
蕃軍相遇臨敵有指使不前者苟非朕親當堅陣幾至
喪敗況百戶農夫未能贍一甲士且兵在精不在衆宜
令一一點選精銳者升在上軍怯懦者任從安便度期
可用又不虛費先是上按于高平觀其退縮慨然有懲
革之志又以驍勇之士多為外諸侯所占如是召募天

下豪傑不以草澤為阻在于關下躬親試閱
選武藝超絕及有首者分署為殿前諸班
十一月戊

寅以太子賓客石光贊為兵部尚書致仕壬午鎮州節

度使曹英卒乙酉以澶州節度使郭崇為鎮州節度使

未以荆南節度使使歸州刺史高保勗為寧江軍節

度使檢校太尉充荆南節度行軍司馬戊戌詔宰臣穀

穀監築河隄先是鄆州界河決數州之地洪流為患故

命穀治之役丁夫六萬人三十日而罷十二月己酉太

子太師侯益以本官致仕

舊五代史卷一百十四

舊五代史卷一百十四攷證

周世宗紀一賊軍又潰臨陣斬賊大將張暉 案九國志作張元徽乘勝復入馬倒為周師所擒殺之與是書異通鑑從是書

戊戌車駕至潞州 案歐陽史作丁酉幸潞州與是書異通鑑從歐陽史五代春秋作丙戌誤

鐵騎第一軍都指揮使趙宏殷 案原本註宣祖廟諱

四字今据宋史改作宏殷

偽代州防禦使鄭處謙以城歸順 案遼史穆宗紀四
年五月乙亥忻代二州叛据是書則忻州歸順在四
月代州歸順在五月丙子與遼史日月互異

舊五代史卷一百十四攷證

欽定四庫全書

史部

舊五代史卷一百一十五至
二十

詳校官編修臣黃壽齡

洗馬臣王坦修覆勘

總校官編修臣朱鈐

校對官編修臣王天祿

謄錄監生臣陶紹侃

欽定四庫全書

舊五代史卷一百十五

宋門下侍郎參知政事監修國史薛居正等撰

周書第六

世宗紀二

顯德二年春正月辛未朔帝不受朝賀辛卯詔在朝文
班各舉堪為令錄者一人雖姻族近親亦無妨嫌授官
之日各署舉主姓名若在官貪濁不任懦弱不理並量

事狀重輕連坐舉主乙未詔應逃戶莊田並許人請射
承佃供納稅租如三周年內本戶來歸者其桑田不計
荒熟並交還一半五周年內歸業者三分交還一分如
五周年外歸業者其莊田除本戶墳塋外在在交付之
限其近北地諸州應有陷蕃人戶自蕃界來歸業者五
周年內來者三分交還二分十周年內來者交還一半
十五周年來者三分交還一分十五周年外來者不在
交還之限二月戊申遣使赴西京賜太子太師致仕候

益白文珂宋彥筠等茶藥錢帛各有差仍降詔存問壬戌詔曰善操理者不能有全功善處身者不能無過失雖堯舜禹湯之上聖文武成康之至明尚猶思逆耳之言求苦口之藥何況後人之不逮哉朕承先帝之靈居至尊之位涉道猶淺經事未深常懼昏蒙不克負荷自臨宸樞已過周星至刑政取捨之間國家措置之事豈能盡是須有未周朕猶自知人豈不察而在位者未有一人指朕躬之過失食祿者曾無一言論時政之是

非豈朕之寡昧不足與言邪豈人之循默未肯盡心邪
豈左右前後有所畏忌邪豈高卑踈近自生間別邪古
人云君子大言受大祿小言受小祿又云官箴王闕則
是士大夫之有祿仕無不言之人然則為人上者不能
感其心而致其言此朕之過也得不得來骨鯁之辭詢正
直之議共申裨益庶洽治平朕于卿大夫才不能盡知
面不能盡識若不採其言而觀其行審其意而察其忠
則何以見器畧之淺深知任用之當否若言之不入罪

實在予苟求之不言咎將誰執應內外文武臣僚今後
或有所見所聞竝許上章論諫若朕躬之有關失得以
盡言時政之有瑕疵勿宜有隱方來名實宜尚虛華苟
或素不工文但可直書其事辭有謬誤者固當捨短言
涉傷忤者必與留中所冀盡情免至多慮諸有司局公
事者各宜舉職事有不便者革之可也理有可行者舉
之可也勿務因循漸成訛謬臣僚有出使在外迴者苟
或知黎庶之利病聞官吏之優劣當具數奏以廣聽聞

班行職位之中遷除改轉之際即當考陳力之輕重較
言事之否臧奉公切直者當議甄升臨事蓄縮者須期
抑退翰林學士兩省官職居侍從乃論思諫諍之司御
史臺官任處憲綱是擊搏糾彈之地論其職分尤異羣
臣如逐任官內所獻替啓發彈舉者至月限滿合遷轉
時宜令中書門下先奏取進止三月辛未以李晏口為
靜安軍其軍南距冀州百里北距深州三十里夾胡盧
河為壘

通鑑浚胡盧河在正月至三月始建軍額

先是貝冀之境密邇戎疆

居常敵騎涉河而南馳突往來洞無阻礙北鄙之地民不安居帝乃按圖定策遣許州節度使王彥超曹州節度使韓通等領兵他徙築壘于李晏口以兵戍守功未畢契丹衆尋至彥超等擊退之及壘成頗扼要害自是敵騎雖至不敢涉河邊民稍得耕牧焉壬辰尚書禮部貢院進新及第進士李覃等一十六人所試詩賦文論策文等詔曰國家設貢舉之司求英俊之士務詢文行方中科名比聞近來已來多有濫進或以年勞而得第

或因媒勢以出身今歲所放舉人試令看驗果見紕繆
須至去留其李覃何暉楊徽之趙鄰幾等四人宜放及
第其嚴說武允成王汾閻丘舜卿任惟吉周度張慎徽
王翥馬文劉選程浩然李震等一十二人藝學未精竝
宜勾落且令苦學以俟再來禮部侍郎劉溫叟失于選
士頗屬因循據其過尤合行譴謫尚視寬恕特與矜容
劉溫叟放罪其將來貢舉公事仍令所司別具條理以
聞夏四月庚戌以內客省使李彥穎為延州留後辛亥

詔應自外新除御史未經朝謝行過州府不得受館驛
供給及所在公禮乙卯詔于京城四面別築羅城期以
來春興役戊午以翰林學士給事中竇儀為禮部侍郎
依前充職以禮部侍郎劉溫叟為太子詹事癸亥以翰
林學士中書舍人楊昭儉為御史中丞是月詔翰林學
士承旨徐台符已下二十餘人各撰為君難為臣不易

論平邊策各一首帝親覽之

宋史陶穀傳世宗謂宰相
曰朕觀歷代君臣治平之

道誠為不易又念唐晉失德之後亂臣黠將僭竊者多
今中原甫定吳蜀幽并尚未平附聲教未能遠被宜令

近臣各為論策宣導經濟之畧乃命承旨徐台符以下
二十餘人各撰為君難為臣不易論平邊策以進其畧
率以脩文德來遠人為意惟穀與竇儀楊昭儉王朴以
封疆密邇江淮當用師取之世宗自克高平常訓兵講
武思混一天下及覽其策欣然
聽納由是平南之意益堅矣
五月辛未迴鶻遣使貢

方物鳳翔節度使王景上言奉詔攻收秦鳳二州已于
今月一日領軍由大散關路進軍次先是晉末契丹入
晉秦州節度使何建以秦成階三州入蜀蜀人又取鳳
州至是秦鳳人戶怨蜀之苛政相次詣闕乞舉兵收復
舊地乃詔景與宣徽南院向訓率師以赴焉

東都事畧
王溥傳世

宗將討秦鳳，薄薦向拱、遂平之。世宗因宴，甲戌詔曰：「釋酌卮酒，賜之曰：『成吾邊功。』」卿擇帥之力也。

氏貞，宗聖人，妙道助勸善，其利甚優。前代以來，累有條貫。近年已降，頗紊規繩。近覽諸州奏聞，繼有緇徒犯法，蓋無科禁。遂至尤違私度，僧尼日增，猥雜狃脩寺院，漸至繁多。鄉村之中，其弊轉甚。漏網背軍之輩，苟剝削以逃刑行姦為盜之徒，託住持而隱惡。將隆教法，須辨否臧。宜舉舊章，用革前弊。諸道州府縣鎮村坊，應有勅額寺院，一切仍舊。其無勅額者，並仰停廢。所有功德佛像，

及僧尼並騰併于合留寺院內安置天下諸縣城郭內
若無勅額寺院祇于合停廢寺院內選功德屋宇最多
者或寺院僧尼各留一所若無尼住祇留僧寺院一
所諸軍鎮坊郭及二百戶已上者亦依諸縣例指揮如
邊遠州郡無勅額寺院處于停廢寺院內僧尼各留兩
所今後並不得敕造寺院蘭若公王戚里諸道節刺已
下今後不得奏請敕造寺院及請開置戒壇男子女子
如有志願出家者並取父母祖父母處分已孤者取同

居伯叔兄處分候聽許方得出家男年十五已上念得經文一百紙或讀得經文五百紙女年十三已上念得經文七十紙或讀得經文三百紙者經本府陳狀乞剃頭委錄事參軍本判官試驗經文其未剃頭間湏留髮髻如有私剃頭者却勒還俗其本師主決重杖勒還俗仍配役三年兩京大名府京兆府青州各處置戒壇候受戒時兩京委祠部差官引試其大名府等三處祇委本判官錄事參軍引試如有私受戒者其本人師主臨

壇三綱知事僧尼並同私剃頭例科罪應合剃頭受戒人等逐處聞奏候勅下委祠部給付憑由方得剃頭受戒應男女有父母祖父母在別無兒息侍養不聽出家曾有罪犯遭官司刑責之人及棄背父母逃亡奴婢姦人細作惡逆徒黨山林亡命未獲賊徒負罪潛竄人等並不得出家剃頭如有寺院輒容受者其本人及師主三綱知事僧尼鄰房同住僧並仰收捉禁勘申奏取裁僧尼俗士自前多有捨身燒臂鍊指釘截手足帶鈴掛

燈諸般毀壞身體戲弄道具符禁左道妄稱率現還魂
坐化聖水聖燈袂幻之類皆是聚衆眩惑流俗今後一
切止絕如有此色人仰所在嚴斷遞配邊遠仍勒歸俗
其所犯罪重者準格律處分每年造僧帳兩本其一本
奏聞一本申祠部逐年四月十五日後勒諸縣取索管
界寺院僧尼數目申州州司攢帳至五月終已前文帳
到京僧尼籍帳內無名者並勒還俗其巡禮行脚出入
往來一切取便是歲諸道供到帳籍所存寺院凡二千

六百九十四所廢寺院凡三萬三百三十六僧尼係籍者六萬一千二百人戊寅以刑部侍郎邊光範為戶部侍郎以前御史中丞裴翼為刑部侍郎己卯刑部員外郎陳渥賜死坐檢齊州臨邑縣民田失實也渥為人清苦臨事有守以微累而當極刑時論惜之戊子以沙州留後曹元忠為沙州節度使檢校太尉同平章事丙申禮部侍郎竇儀奏請廢童子明經二科及條貫考試次第從之六月己酉以曹州節度使韓通充西南面行營

都虞候丙辰以亳州防禦使陳思讓為邢州留後庚申
詔兩京及諸道州府不得奏薦留守判官兩使判官少
尹防禦團練軍事判官如是隨幕已曾任此職者聽奏
防禦團練刺史州各置推官一員辛酉廢景州為定遠
軍癸亥以前延州節度使袁義為滄州節度使以前邢
州節度使田景咸為鄧州節度使秋七月丁卯朔以鳳
翔節度使王景兼西南面行營都招討使以宣徽南院
使鎮安軍節度使向訓兼西南面行營都監戊辰太子

太傅魯國公和凝卒八月癸卯兵部尚書張昭太常卿
田敏等奏議減祠祭所用犧牲之數由是圜丘方澤及
太廟即用太牢餘皆以羊代之丁未中書侍郎平章事
判三司景範罷判三司加銀青光祿大夫依前中書侍
郎平章事進封開國伯以樞密院承旨張美權判三司
辛亥詔今後應有病患老弱馬並送同州沙苑監衛州
牧馬監就彼水草以盡飲齣之性庚子太子太師致仕
趙暉卒乙丑詔曰今後諸處祠祭應有牲牢香幣饌料

供具等仰委本司官吏躬親檢校務在精至行事儀式
依附禮經大祠祭合樂者仍須祀前教習凡闕祀事宜
令太常博士及監察御史用心點檢稍或因循必行朝
典九月丙寅朔詔禁天下銅器始議立監鑄錢癸未以
太子賓客趙上交為吏部侍郎以吏部侍郎于德辰
司徒調並為太子賓客乙酉詔文武百寮今後遇天清
節依近臣例各賜衣服辛卯西南面招討使王景部送
所獲西川軍校姜暉已下三百人至闕甲午潞州部送

先擒到河東兵馬監押程支等二百人至闕詔所獲西

川河東軍校已下並釋之各賜錢帛有差閏月壬子西

南面招討使王景奏大破西川賊軍于黃花谷擒偽命

都監王繼孫韜等一千五百餘人

九國志李廷珪傳周師攻秦鳳以廷珪為

北路行營都統高彥儔呂彥珣為招討廷珪遣先鋒指揮使李進以兵據馬嶺分兵斜谷營于白澗將腹背以攻周師又遣染院使王繼領兵出唐倉與周師遇蜀師敗走王繼死之而馬嶺斜谷之兵聞之皆退奔高彥儔與諸將謀退守青泥嶺由是秦鳳階成之地皆陷于周矣

癸丑秦州偽命觀察判官

趙玘以本城降詔以玘為郢州刺史

宋史趙玘傳高彥儔出師救援未至

聞軍敗因潰歸玆閉門不納召官屬諭之曰今中朝兵
甲無敵于天下自用師西征戰無不勝蜀中所遣將皆
武勇者卒皆驍健者然殺戮遁逃之外幾無孑遺我輩
安忍坐受其禍去危就安當在今日衆皆俯伏聽命玆
遂以城歸順世宗欲命以藩鎮先是帝以西師久次艱
宰相范質不可乃授鄆州刺史

于糧運命令上乘駟赴軍前以觀攻戰之勢及迴具以
事勢上奏帝甚悅至是果成功焉甲子秘書少監許遜
責授蔡州別駕生先假竇氏圖書隱而不還也冬十月
庚午召近臣射于苑中賜金器鞍馬有差辛未成州歸
順癸酉以給事中王敏為工部侍郎戊寅高麗國遣使

朝貢丁丑右散騎長侍康澄責授環州別駕左司郎中
史又玄責授商州長史左驍衛大將軍元霸責授均州
別駕右驍衛將軍林延稹責授登州長史澄等奉使浙
中迴日以私便停留逾時復命故有是責右諫議大夫
李知損配流沙門島坐妄貢章疏斥譴貴近及求使兩
浙故也已丑前太常卿邊蔚卒是月始議南征十一月
乙未朔以宰臣李穀為淮南道前軍行營都部署知廬
壽等州行府事以許州節度使王彥超為行營副部

署命侍衛馬軍都指揮使韓令坤等一十二將各帶征行之號以從焉己亥諭淮南州縣詔曰朕自續承基構統御寰瀛方當躬己臨朝誕修文德宜欲興兵動衆專耀武功顧茲昏亂之邦須舉弔伐之義蠢爾淮甸敢拒大邦因唐室之陵遲接黃寇之紛亂飛揚跋扈垂六十年盜據一方僭稱偽號幸數朝之多事與北境以交通厚啓戎心誘為邊患晉漢之代寰海未寧而乃招納叛亡朋助凶惡李金全之據安陸李守貞之叛河中大起

師徒來為應授攻侵高密殺掠吏民迫奪閩越之封疆
塗炭湘潭之士庶以至我朝啓運東魯不庭發兵而應
接叛臣觀釁而憑凌徐部沐陽之役曲直可知尚示包
荒猶稽問罪邇後維揚一境連歲阻饑我國家念彼災
荒大許糴易前後擒獲將士皆遣放還自來禁戢邊兵
不令侵撓我無所負彼實多姦勾誘契丹至今未已結
連并寇與我為讎罪惡難名人神共憤今則推輪命將
鳴鼓出師徵浙右之樓船下朗陵之戈甲東西合勢水

陸齊攻吳孫皓之計窮自當歸命陳叔寶之數盡何處
偷生應淮南將士軍人百姓等久隔朝廷莫聞聲教雖
從偽俗應樂華風必須善擇安危早圖去就如能投戈
獻疑舉郡來降具牛酒以犒師納圭符而請命車服王
帛宣恡旌酬土地山河誠無愛惜刑賞之令信若丹青
苟或執迷寧免後悔王師所至軍政甚明不犯秋毫有
如時雨百姓父老各務安居剽擄焚燒必令禁止云高
麗國王王昭加開府儀同三司檢校太尉依前使持節

玄菟州都督大義軍使王如故辛亥以前滄州節度使
李暉為邠州節度使壬子潞州奏破河東賊軍于祁縣
癸丑西南面行營都部署王景奏收復鳳州獲偽命節
度使王環乙卯曲赦秦鳳階成等州管內罪人自顯德
二年十一月己前凡有罪犯無問輕重一切釋放丁巳
前邠州節度使折從阮卒己未邢州奏河東劉崇死壬
戌淮南前軍都部署李穀奏先鋒都指揮使白延遇破
淮賊于來遠鎮十二月丙寅以左金吾大將軍蓋萬為

右監門上將軍丁卯淄州奏前中書侍郎同平章事景
範卒庚午右金吾衛上將軍王守恩卒辛未安州奏盜
殺防禦使張頴是日翰林學士承旨徐台符卒甲戌李
穀奏破淮賊二千人于壽州城下丙子以左諫議大夫
權知開封府事王朴為左散騎常侍充端明殿學士依
前權知開封府事永興軍奏節度使劉詞卒己卯李穀
奏破淮賊千餘人于山口鎮丙戌樞密使鄭仁誨卒辛
卯西南面行營都部署王署差人部送所獲偽鳳翔節

度使王環至闕詔釋之仍賜鞍馬衣服尋授右驍衛

按原

本闕一字

將軍是冬命起居郎陶文舉徵殘租于宋州文舉

本酷吏也宋民被其刑者凡数千冤號之聲聞于道路
有悼髦之輩不勝其刑而死者數人物議以為不允

舊五代史卷一百十五

舊五代史卷一百十五攷證

周世宗紀二癸丑西南面行營都部署王景奏收復鳳州
案癸丑歐陽史作戊申

己未邢州奏河東劉崇死 案通鑑作顯德元年十一
月北漢主殂遣使告于契丹攷異据王保衡見聞要
錄及劉繼顥神道碑疑是書作二年為誤今改遼史
穆宗紀應歷五年十一月漢王宗殂應歷五年即周
廣順二年也與是書合蓋薛史遼史皆以實錄為據

五代春秋亦作二年

舊五代史卷一百十五攷證